

NAQQIUT

*(Siunnersuuteqartoq allanngorpoq)*

30. oktober 2020

UKA2020/106

**Nunap nakkaassinnaaneranut ulorianartorsiulerneq pillugu kalerisaarigasuarsinnaanerup upalungaarsimanissamut piumasaaqatitigut naammassinninnissamut teknikkikkut atortoris-saasusersornikkut aqutissiuuteqqullugu misissuisoqassasoq Naalakkersuisut peqquneqarnis-saannik Inatsisartut aalajangiiffigisassaattut siunnersuut. Upalungaarsimanissamut kalerrisaarinissamullu aaqqissuussinerit, pilersitap isumannaallisaanikkut sunnitissai aningaasatigullu kingunerisassai misissuinerup imarissavaa. Illorsuarni pilersitsinissamik periarfissat misissuinermi immikkut ittumik ilaatinneqassapput. Misissuinerup inernera kingusinnerpaamik Inatsisartunut saqqummiunneqassaaq UKA 2021-imi.**

*(Siumup Inatsisartunut ilaasortaaitai)*

**Tungavilersuut:**

2017-mi inuiqatigiinnut tamanut eqquisumut minnerunngitsumillu Nuugaatsiami najungaartunut nalaanneqartumut sakkortuumut annaasaqarfioqisumut eqqorneqaataaqisumullu, tamatumalu malitsigisaanik Nuugaatsiarmiut nunaminnit asasaanniit avatangiisaannillu pisuussuter-passualimmiit taamatullu Illorsuarmiut nunamik asasaminnit inuutissarsiornikkullu periarfissaris-saaqisumiit nuukkallartinneqarput pineqartunut misigissutsikkut sakkortuumik eqqorneqaatigi-saannik. Nunaqarfiit taakku kinguaariinnik qangaaniit najugaartut inuiaqatigiinnut annertuumik sunnuteqarlutik napatitseqataajuarsimapput, piniartuunermik aallaveqartumik aammalu aalisar-nikkut periarfissarissaartuunermikkut inuiaqatigiinni agguaqatigiisitsinermi isertitaqarfiunerpaanut inissisimajualernikuullutik.

Maannakkulli inoqafinnut ataasiinnaanngitsunut siammarlutik inissisimatinneqarallalernerat pineqartunut misigisaq tupinnanngittumik upperilerneqarsinnaanngittutut sinnattornerinnar-tulluunniit pisimasutut takorloorneqarsinnaasimasup kingunerisaanik inigigallagassaannik sanaartortoqarsimalerpoq taamaattoqarneratalu malitsigisaanik ilumut pisoq piviusuusoq uppernarsillualernarpoq inunnet pineqartunut. Inuiaqatigiillu sinnerlugit sulinitisinni eqqugaasut tamarmik naligiimmik pineqarnissaannik sullinneqassasut oqariartorfiginikuullugit.

Karrat kangerluani qaqqap inunnet navianartorsiortitsisinnaanera ataavartumik nakkutigineqarsinnaavoq. Norge nuna qaqqartuujuvoq, tassanilu aamma qaqqat navianaatillit ataavartumik nakkutigineqartuupput. Akunnernik 72-inik qaqqap nakkaatilersinnaanera sioqqullugu inoqarfinnut ulorianartorsiortissinnaasaanut mianersoqqusinissamik kalerriissuteqartarpoq<sup>1</sup>. Teknologit taanna Norgemi atorneqartoq immaqa Illorsuarni atorneqarataarsinnaavoq inuit nunaqarfimminnut uteqqinnissaminnut toqqissillutik inuusissaanissaat qulakkeersimaneqarsin-naavoq.

Periarfissattaq ilagaat sissami mallit makiffigisissaasaanni mallinut pallittaalisaliorneq. Tamanna nunani mallernikkaani misilittagaqarfiuvoq. Illorsuit sissaat kangerliumaninngorlugu mallinut pallittaalisaliornissaq suliarineqarsinnaavoq.

Nalornisitaalluni inuuneq inunnut kikkunnulluuniit peqqinnartuunngilaq, qanorli isumakulunnartigaa nammnineq nunaqarfigisamiit illugisamiit qimagutsitaalluni, qaqqap qaquguussagaluarnersoq sisoorsinnaanera pissutigalugu. Aap nunap sisoorsinnaanera qaqugukkulluunniit pisinnaavoq, aqagu immaqaluunniit ukiut 100 qaangiuppata, soorlu immikkut ilisimasaliinniit taama oqartoqartoq. Aamma inoqarfiit allat eqqarsaatigalugit taamaappoq, taamaalluni nunamik sisoortoqarsinnaavoq. Isumaqarpunga inuttut ima nakuutigisariqartugut allaat kalerriigasuarsinnaanissamut atortorissaarusersuinikkut Illorsuarmit Nuugaatsiarmiullu Nunaqarfimminnut utertinneqarnissaat pillugu aalajangiisinnaalluta.

Siunnersuuteqartutummi pingaartilluinnarpara, Illorsuariमित Nuugaatsiarmiullu angerlaqqinnissaminnut periarfissinneqassasut.

Taamaattumik siunnersuutigaara teknikkikkut atortorissaarutit atorlugit Illorsuarmit Nuugaatsiarmiullu toqqassisimanartumik inuusinnaanerup uterteqqinnissaa maanna Inatsisartunut aalajangiiffigisassatut siunnersuutigaara.

### **Siunnersuutip aningaasatigut allaffissornikkullu pisortanut kinguneqaatissai**

Misissuinissap annertussusaa misingersorneqarpoq AC ataaseq ukioq ataaseq atorneqassasoq tamannalu 500.000 kr. missaanni naleqarpoq. Innersuunneqarsinnaanngilaq paasissutissanik aallernissamut atorfissaqartitsisoqassasoq.

### **Siunnersuutip namminersorlutik inuussutissarsiortunut allaffissornikkut aningaasatigullu kinguneqaatissai**

Soqanngilaq

### **Siunnersuutip innuttaasunut allaffissornikkut aningaasatigullu kinguneqaatissai**

Soqanngilaq